



САНХҮҮГИЙН ТАЙЛАНГИЙН
АУДИТЫН АЖИЛ ГҮЙЦЭТГЭХ ГЭРЭЭ

Дугаар № ҮАТ/АА-2023-173

Улаанбаатар хот

2023. 11. 08

2023/99

Нэг. Нийтлэг үндэслэл

Энэхүү гэрээнд оролцогч талууд болох Захиалагч Үндэсний аудитын газрын Санхүү-нийцлийн аудитын газар (цаашид "захиалагч" гэх), шалгагдагч Амгалан Дулааны Станц ТӨХК (цаашид "шалгагдагч этгээд" гэх), гүйцэтгэгч Си Эс Ай Аудит ХХК (цаашид "гүйцэтгэгч" гэх) нь дараах зүйлийг харилцан тохиролцож энэхүү ГЭРЭЭГ (цаашид "гэрээ" гэх) 2023 оны 10 дугаар сарын 12-ны өдөр байгуулав.

- 1.1. Гүйцэтгэгч нь захиалагчаас шаардаж буй мэргэжлийн дадлага туршлага, ажиллах хүчин болон техникийн эх үүсвэртэй бөгөөд гэрээнд заасан нөхцөл, болзлын дагуу үйлчилгээг үзүүлэхийг хүлээн зөвшөөрсөн болно.
- 1.2. Захиалагч нь Санхүүгийн тайлангийн аудитын ажил гүйцэтгэх _____ дугаартай гэрээт ажлыг (цаашид "ажил" гэх) санал болгосон үнэ буюу 32,000,000.00 (Гучин хоёр сая) төгрөг (цаашид "гэрээний үнэ" гэх) гүйцэтгэхээр ирүүлснийг үүгээр хүлээн зөвшөөрөв. Гэрээний үнэ буюу ажлын нийт төсөвт өртөг нь санхүүжилтийн нийт гүйцэтгэл болно.
- 1.3. Дор дурдсан бичиг баримт нь гэрээний хэсэг болно (цаашид "гэрээний баримт бичиг" гэх). Үүнд:
 - а/Гүйцэтгэгчийн улсын бүртгэлийн гэрчилгээ, тусгай зөвшөөрөл;
 - б/Гэрээний ерөнхий нөхцөл;
 - в/ Гэрээний тусгай нөхцөл;
 - г/ Ажлын даалгавар;
 - д/ Тайлан гаргах хуваарь;
 - е/Ажиллах хүчин-туслан гүйцэтгэгч, Ажлын хөтөлбөр хуваарь, болон аргачлал.
- 1.4. Гэрээ /ГЕН, ГТН/ нь энд дурдсан ажил гүйцэтгэх талаарх талуудын хоорондын эцсийн тохиролцоо болох ба урьд өмнө үйлдсэн бүх хэлцлийг орлоно.
- 1.5. Захиалагч болон гүйцэтгэгч нь гэрээний ерөнхий болон тусгай нөхцөлд заасан эрх, үүрэг, хариуцлагыг хүлээнэ.

Хоёр. Үүрэг хариуцлага

- 2.1. Төрийн аудитын тухай хуулийн 31 дүгээр зүйлд заасан Төрийн аудитын байгууллагын албан хаагчийн үүрэг нь гэрээгээр ажил гүйцэтгэж буй аудитын хуулийн этгээд болон түүний ажилтнуудад нэгэн адил үйлчилнэ.

- 2.2. Захиалагч нь гэрээний дагуу Гүйцэтгэгчийн хийх аудитын ажил болон зөрчил, дутагдлыг арилгах үйлчилгээг үндэслэн гэрээний төлбөрийг гүйцэтгэгчид төлөх үүрэг хариуцлага хүлээнэ.
- 2.3. Шалгагдагч этгээд нь аудитын үйлчилгээний зорилгоор ашиглуулахаар тоног төхөөрөмж болон эд хөрөнгийг тогтоосон хугацаанд үнэ төлбөргүйгээр Гүйцэтгэгчид гарган өгч болно.
- 2.4. Шалгагдагч этгээд нь гүйцэтгэгчийн шаардсан аудиттай холбоотой, тайлан, тооцоо, санхүүгийн баримт, мэдээлэл, судалгаа, тайлбар, тодруулга тодорхойлолт, холбогдох бусад бүх баримт материалыг саадгүй гаргаж өгөх үүрэгтэй.
- 2.5. Шалгагдагч этгээд нь гүйцэтгэгчийг шалгагдагч этгээдийн байранд ажиллах нөхцөл бололцоогоор хангах үүрэг хүлээнэ.
- 2.6. Шалгагдагч этгээд аудит хийхэд шаардагдах мэдээлэл, баримт бичгийн үнэн зөв, бодитой, бүрэн байх шаардлагыг хариуцна.
- 2.7. Шалгагдагч этгээд нь аудитын төлбөрийг цахим нэхэмжлэлийг үндэслэн 100.0 хувь Үндэсний аудитын газрын Төрийн сан банкин дахь 100900024401 тоот дансанд гэрээ байгуулснаас хойш ажлын 3 хоногийн дотор байршуулна.
- 2.8. Шалгагдагч этгээд нь аудитыг гүйцэтгэж буй аудитын хуулийн этгээдийн үйл ажиллагаанд саад учруулсан, аливаа дарамт, шахалт, хууль бус нөлөө үзүүлсэн тохиолдолд нөлөөллийн мэдүүлэг хөтөлж, Төрийн аудитын байгууллагад хүргүүлнэ.
- 2.9. Гүйцэтгэгч нь гэрээний дагуу захиалагчийн төлөх төлбөрийг үндэслэн энэхүү гэрээний бүх нөхцөл, болзолд нийцүүлэн энд заасан аудитын ажлыг гүйцэтгэж, зөрчил, дутагдлыг арилгах, зөвлөн туслах үүрэг хариуцлагыг хүлээж, хараат бусаар ажиллана.
- 2.10. Гүйцэтгэгч нь төрийн аудитын болон үйлчлүүлэгч байгууллага түүний ажилтнуудтай харьцах ёс зүйг чанд мөрдөж, тэдгээрийн нэр хүндэд халдахгүй байх үүрэгтэй.
- 2.11. Төрийн аудитын байгууллагын нэрийн өмнөөс аудитын үйл ажиллагаанд оролцож буй аудитын хуулийн этгээд нь аудит гүйцэтгэхдээ Төрийн аудитын тухай хууль, Аудитын тухай хууль, Нягтлан бодох бүртгэлийн тухай хууль болон холбогдох хууль тогтоомж, Аудитын Дээд байгууллагуудын олон улсын стандарт, Аудитын олон улсын стандарт, Төрийн аудитын байгууллагаас аудит хийх журам, Санхүүгийн тайлангийн аудитын заавар, аргачлал, Төрийн аудитын байгууллагын ажилтны ёс зүйн дүрэм, гэрээгээр аудит хийх журам, холбогдох бусад дүрэм, журмыг баримтлан хараат бус, авилгаас ангид ажиллана.
- 2.12. Гүйцэтгэгч нь аудитаар илэрсэн асуудлыг захиалагч талд танилцуулсны дараа шалгагдагч этгээдэд хүргүүлэх бөгөөд зарчмын зөрүүтэй асуудлаар 3 талын уулзалт зохион байгуулж, шийдвэрлэнэ.
- 2.13. Талууд бүрэн эцэслээгүй тайлан, дүгнэлтийг бусдад танилцуулах, хэвлэл мэдээллийн хэрэгслээр мэдээлэхийг хориглоно.
- 2.14. Талууд нууц мэдээллийг зохих зөвшөөрөлгүй задруулсан буюу ашигласан бол хуулийн хариуцлага хүлээлгэнэ.
- 2.15. Аудитыг Төсвийн тухай хуулийн цаглаварт хугацаанд гүйцэтгэж дуусгаагүй, хугацаа хоцроосон, аудитын үе шатны ажилбаруудыг чанаргүй гүйцэтгэсэн, ёс зүйн алдаа гаргасан, шалгагдагч этгээдээс гаргасан гомдол нотлогдсон тохиолдол, үр дагавраас хамаарч үнэлгээг бууруулах эсвэл гэрээг цуцлах үндэслэл болно.

Гурав. Төлбөр

- 3.1 Төлбөрийг дараах хуваарийн дагуу Татварын цахим төлбөрийн баримтын системээр баталгаажсан баримтыг үндэслэн төлнө.
 - 3.1.1 Гэрээний үнийн дүнгийн 60.0 хувьтай тэнцэх дүнг аудитын ажил гүйцэтгүүлэх гэрээ байгуулсны дараа, цахим нэхэмжлэлийг үндэслэн ажлын 5 хоногийн дотор төлнө.

- 3.1.2 Гэрээний үнийн дүнгийн 30.0 хувьтай тэнцэх дүнг захиалагч аудитын гэрчилгээ, тайланг хүлээн авч баталсны дараа, цахим нэхэмжлэлийг үндэслэн ажлын 3 хоногийн дотор төлнө.
- 3.1.3 Гэрээний үнийн дүнгийн 10.0 хувьтай тэнцэх дүнг УИХ-ын чуулганы хуралдаанаар Засгийн газрын санхүүгийн нэгтгэсэн тайлан, Монгол Улсын Нэгдсэн Төсвийн гүйцэтгэлийн тайланг хэлэлцэж дууссаны дараа тухайн аудитын ажлын талаар эрсдэлтэй асуудал гараагүй тохиолдолд аудитын тайлагналын дараах үе шатны ажлын гүйцэтгэл, цахим нэхэмжлэлийг үндэслэн ажлын 10 хоногийн дотор төлнө.
- 3.1.4 Холбогдох журам, чанарын үнэлгээгээр 85.0 буюу түүнээс доош оноотой үнэлэгдсэн, эрсдэлтэй асуудал үүссэн тохиолдолд гэрээний үнийн дүнгийн 10.0 хувьтай тэнцэх санхүүжилтийг олгох эсэх асуудлыг үүссэн нөхцөл байдлын үр дагавраас хамаарч Санхүү-нийцлийн аудитын газрын саналыг үндэслэн Монгол Улсын Ерөнхий аудиторт танилцуулж шийдвэрлэнэ.

Дөрөв. Бусад зүйл

- 4.1. Гэрээнд холбогдох асуудлаар талууд зөвхөн албан бичгээр харилцана.

ЗАХИАЛАГЧИЙГ ТӨЛӨӨЛЖ:

Санхүү-нийцлийн аудитын газрын аудитын менежер

С.Нацагдорж

Захиргаа, хууль эрх зүйн газрын хууль, эрх зүйн менежер

Б.Эрдэнэбаатар

Хаяг: /Улаанбаатар-15160, Чингэлтэй дүүрэг, Бага тойруу-3, Засгийн газрын 4 дүгээр байр/
Утас:261628

ШАЛГАГДАГЧ ЭТГЭЭДИЙГ ТӨЛӨӨЛЖ:

Амгалан Дулааны Станц ТӨХК-ийн Ерөнхий нягтлан бодогч

Ө.Удвал

Хаяг: /Улаанбаатар-13301, Баянзүрх дүүрэг 8-р хороо, УС 15-1-1 тоот/
Утас: 77111244

Шалгагдагч этгээдийн банкны дансны дугаар: 3105103284 банк Голомт

ГҮЙЦЭТГЭГЧИЙГ ТӨЛӨӨЛЖ:

Си Эс Ай Аудит ХХК-ийн Ахлах аудитор

Д.Чулуунбат

Хаяг: Улаанбаатар хот, Чингэлтэй дүүрэг 8-р хороо, Сүхбаатарын гудамж, Цэцээ Гүн төв 207 тоот

Гүйцэтгэгч байгууллагын харилцагч банкны дансны дугаар: 1165004781 банк Голомт

I. ГЭРЭЭНИЙ ЕРӨНХИЙ НӨХЦӨЛ

1. ЕРӨНХИЙ ЗААЛТ

- 1.1 Нэр томъёоны тайлбар** Энэ гэрээнд хэрэглэсэн дараах нэр томъёог дор дурдсан утгаар ойлгоно:
- (a) “Гэрээнд хэрэглэх хууль” гэж Гэрээний тусгай нөхцөл ГТН-д заасан Монгол Улсын хүчин төгөлдөр хууль болон бусад эрх зүйн актыг хэлнэ.
 - (б) “Гүйцэтгэгч” гэж захиалагч, шалгагдагч этгээдтэй байгуулсан энэхүү гэрээнд заасан үйлчилгээг үзүүлж байгаа хувийн болон төрийн хуулийн этгээдийг хэлнэ.
 - (в) “Гэрээ” гэж талуудын гарын үсэг зурсан гэрээний маягт болон түүний 1 дүгээр заалтад дурдсан бусад баримт бичгүүд болох Гэрээний ерөнхий нөхцөл, Гэрээний тусгай нөхцөл болон хавсралт баримт бичгүүдийг хэлнэ.
 - (г) “Хоног” гэж хуанлийн хоногийг хэлнэ.
 - (e) “Гэрээ хүчин төгөлдөр болох огноо” гэж ГЕН-ийн 2.1-д заасан гэрээ хүчин төгөлдөр болох огноог хэлнэ.
 - (д) “Гэрээний үнэ” гэж ГЕН-ийн 6 дугаар зүйлд заасны дагуу Үйлчилгээний гүйцэтгэлийн төлөө Гүйцэтгэгчид төлөх төлбөрийн хэмжээг хэлнэ.
 - (e) “ГЕН” гэж Гэрээний ерөнхий нөхцөлийг хэлнэ.
 - (ё) “Гишүүн” гэж түншлэл/консорциум/холбоог бүрдүүлж байгаа аль нэгэн хуулийн этгээдийг “Гишүүд” гэж эдгээр хуулийн этгээдийг хамтад нь хэлнэ. /Хэрэв байгаа бол/
 - (ж) “Гэрээний тал гэж” Захиалагч эсхүл Гүйцэтгэгчийн аль нэгийг, харин “Талууд” гэж оролцогчдыг нь хэлнэ.
 - (з) “Нөхөн төлөх зардал” гэж Гүйцэтгэгчийн ажлын хөлснөөс бусад үйл ажиллагаатай холбоотой бүх зардлуудыг хэлнэ.
 - (л) “ГТН” гэж гэрээний ерөнхий нөхцөлийг тодотгож байгаа Гэрээний тусгай нөхцөлийг хэлнэ.
 - (м) “Үйлчилгээ” гэж Ажлын даалгаварт тодорхойлсон, энэхүү гэрээнд заасны дагуу Гүйцэтгэгчийн хийж гүйцэтгэвэл зохих ажлыг хэлнэ.
 - (o) “Туслан гүйцэтгэгч” гэж үйлчилгээний аль нэгэн хэсгийг туслан гүйцэтгэхээр Гүйцэтгэгчтэй гэрээ байгуулсан хувь хүн, хуулийн этгээдийг хэлнэ.
 - (ө) “Ажиллах хүчин” гэж Үйлчилгээ буюу түүний аль нэгэн хэсгийг гүйцэтгүүлэхээр Гүйцэтгэгчийн эсхүл туслан гүйцэтгэгчийн хөлсөлсөн хувь хүнийг хэлнэ.
- 1.2 Гэрээнд хэрэглэгдэх хууль** Энэхүү гэрээ, түүний агуулга болон тайлбар, мөн талуудын харилцааг ГТН-д заасан хууль тогтоомжоор зохицуулна.
- 1.3 Гэрээнд ашиглах хэл** Энэхүү гэрээ нь ГТН-д заасан улсын хэл дээр боловсруулагдсан бөгөөд гэрээний агуулга, тайлбартай холбоотой бүх асуудалд уг

хэлийг ашиглана. Талууд хоорондын харилцах бичиг баримт нь энэ хэл дээр байна.

- 1.4 Мэдэгдэл** Энэхүү гэрээний дагуу олгогдсон эсхүл шаардагдах аливаа мэдэгдэл, хүсэлт буюу зөвшөөрөл зэргийг бичгээр үйлдсэн байх ёстой. Эдгээр мэдэгдэл, хүсэлт буюу зөвшөөрөл нь харилцаж байгаа талын итгэмжлэгдсэн төлөөлөгчид биечлэн хүргэгдсэн эсхүл ГТН-д заасан хаягаар илгээсэн тохиолдолд олгогдсон гэж тооцогдох ёстой.
- 1.5 Байршил** Үйлчилгээг ажлын даалгаварт заасан нутаг дэвсгэрт, хэрэв тодорхой төсөл арга хэмжээний байрлалыг заагаагүй тохиолдолд захиалагчийн харьяа улс эсхүл түүний тодорхойлж өгсөн нутаг дэвсгэрт хэрэгжүүлэх ёстой.
- 1.6 Төлөөлөх эрх бүхий гишүүний эрх хэмжээ** Гүйцэтгэгч нь түншлэл/консорциум/ хоёр буюу түүнээс дээш хуулийн этгээдийн холбооноос бүрдэж байгаа тохиолдолд, эдгээр гишүүд гэрээний дагуу захиалагчтай үүсэх харилцаанд бүх гишүүний нэрийн өмнөөс оролцох, эрх хэрэгжүүлэх болон үүрэг хүлээх, зааварчилгаа болон төлбөр хүлээн авахад тэднийг төлөөлөх эрх бүхий нэг гишүүнийг томилно.
- 1.7 Итгэмжлэгдсэн төлөөлөгч** Гэрээний дагуу захиалагч эсхүл Гүйцэтгэгчийн гүйцэтгэвэл зохих аливаа үйл ажиллагаа болон баримт бичгийг ГТН-д заасан албан тушаалтан хариуцан хийнэ.
- 1.8 Татвар, хураамж** Гүйцэтгэгч, туслан гүйцэтгэгч болон тэдгээрийн ажиллах хүчин нь ГТН-д заасан гэрээнд хэрэглэх хуулийн дагуу төлбөл зохих татвар, хураамж болон төлбөрийг төлөх ёстой.
- 1.9 Авлигал болон залилан мэхлэх үйлдэл** Захиалагчийг төлөөлөн сонгон шалгаруулалтыг зохион байгуулж буй төрийн албан хаагч болон сонгон шалгаруулалтад оролцогч, гэрээ хэрэгжүүлэгч Гүйцэтгэгч бүр сонгон шалгаруулалтад оролцох, гэрээг хэрэгжүүлэхдээ ёс суртахууны өндөр хэм хэмжээг сахин биелүүлэх ёстой.
- Сонгон шалгаруулалтыг зохион байгуулж буй төрийн албан хаагч болон оролцогч шинжээч нь Авлигын эсрэг хууль, Шударга бус өрсөлдөөнийг хориглох тухай хууль болон Эрүүгийн хуульд заасан авлигал, залилан мэхлэх, зохиомол тохиролцоо хийх, айлган сүрдүүлэх үйлдлийн аль нэгэнд холбогдсон талаар бодитой мэдээлэл байгаа бол холбогдох албан тушаалтан, хууль хяналтын байгууллагад зохих ёсоор мэдэгдэнэ.

2. ГЭРЭЭ ЭХЛЭХ, ДУУСГАВАР БОЛОХ, ТҮҮНД ӨӨРЧЛӨЛТ ОРУУЛАХ БОЛОН ЦУЦЛАХ

- 2.1 Гэрээ хүчин төгөлдөр болох** Энэхүү гэрээ нь талууд гарын үсэг зурсан, эсхүл ГТН-д заасан өдрөөс эхлэн хүчин төгөлдөр болно. Гэрээг хүчин төгөлдөр болох өдрийг гэрээ хүчин төгөлдөр болох огноо гэж хэлнэ.
- 2.2 Үйлчилгээг эхлэх** Гүйцэтгэгч нь гэрээ хүчин төгөлдөр болсноос хойш ГТН-д заасан хоногт багтаан үйлчилгээг эхлэх ёстой.
- 2.3 Гэрээний хугацаа дуусгавар болох** ГЕН-ийн 2.6-д заасны дагуу цуцлагдаагүй бол гэрээ хүчин төгөлдөр болсноос хойш талууд гэрээг дүгнэж дуусгавар болгоно.

**татвар
хураамжийн
талаар орсон
өөрчлөлт**

хасагдахаар байгаа бол, талууд тохиролцон гэрээний дагуу Гүйцэтгэгчид төлөх цалин болон нөхөн төлөгдөх зардлын хэмжээг өөрчлөх бөгөөд энэхүү холбогдох үнийн тохируулга нь ГЕН-ийн 6.2 (а), (б), -д заасан төлбөрийн хэмжээнд нийцсэн байх ёстой.

6. ГҮЙЦЭТГЭГЧИД ТӨЛӨХ ТӨЛБӨР

- 6.1 Нийт төлбөр** Гүйцэтгэгчид төлөх нийт төлбөрийн хэмжээ нь ажлын даалгаварт тодорхойлсон үйлчилгээг үзүүлэхэд шаардагдах бүх зардлыг тооцсон тогтмол нийт үнийг багтаасан гэрээний үнээс хэтрэх ёсгүй. ГЕН-ийн 5.2-т заасны дагуу өөрчилснөөс бусад тохиолдолд ГЕН-ийн 6.2-т тодорхойлсон үнийн хэмжээг гагцхүү ГЕН-ийн 2.4-т зааснаар талууд нэмэлт төлбөр хийхийг зөвшөөрсөн тохиолдолд нэмэгдүүлж болно.
- 6.2 Гэрээний үнэ** (а) Гадаад мөнгөн тэмдэгтээр хийх төлбөрийн хэмжээг ГТН-д тодорхойлно.
(б) Төгрөгөөр хийх төлбөрийн хэмжээг ГТН-д тодорхойлно.
- 6.3 Нэмэлт үйлчилгээний төлбөр** ГЕН-ийн 2.4-т заасны дагуу төлөхөөр зөвшөөрч болох нэмэлт үйлчилгээний цалингийн хэмжээг тодорхойлохын тулд нийт үнийн задаргааг гаргаж захиалагчаас зөвшөөрөл авна.
- 6.4 Төлбөр хийх нөхцөл, хуваарь** Төлбөрийг ГТН-д заасан төлбөр хийх хуваарийн дагуу, тэнд заасан Гүйцэтгэгчийн дансанд хийнэ.
ГТН-д заасан нөхцөл болзлыг хангасны дараа, Гүйцэтгэгчид төлбөл зохих төлбөрийн хэмжээг тодорхойлсон нэхэмжлэлийг захиалагчид ирүүлснээр бусад төлбөр хийгдэх ёстой.

7. ШУДАРГА БАЙДАЛ

- 7.1 Шударга байдал** Талууд энэхүү гэрээний дагуу үйл ажиллагаа явуулахдаа бие биеийн эрхийг хүндэтгэн, шударга байдлаар хандах ба гэрээний зорилгын хэрэгжилтийг хангахын тулд бүхий л зохистой арга хэмжээг авна.

8. МАРГААНЫГ ШИЙДВЭРЛЭХ

- 8.1 Маргааныг эв зүйгээр шийдвэрлэх** Маргаанаас зайлсхийх, эсхүл түүнийг цаг алдалгүй шийдвэрлэх нь гэрээний гүйцэтгэлийг сайтар хангах болон төсөл арга хэмжээний амжилтад ихээхэн чухал гэдгийг талууд хүлээн зөвшөөрнө. Гэрээтэй холбоотой аливаа маргааныг талууд харилцан тохиролцож, эв зүйгээр шийдвэрлэхийг эрмэлзэнэ.
- 8.2 Маргааныг шийдвэрлэх** Талууд гэрээний холбоотой аливаа маргааныг эв зүйгээр шийдвэрлэж чадахгүй тохиолдолд аль нэг тал нь ГТН-д заасан маргааныг шийдвэрлэх арга хэрэгслийг сонгох эрхтэй.

9. БУСАД

- 9.1 Үйлчилгээ үзүүлэхтэй холбоотой талуудын эрх үүрэг** Энэхүү гэрээг захиалагч, гүйцэтгэгч, шалгагдагч этгээд гурван тал баталгаажуулж гарын үсэг зурах бөгөөд талууд холбогдох хууль тогтоомж болон Санхүүгийн тайланд аудит хийх хуулийн этгээдийн ажлын гүйцэтгэлийг хянах, үнэлэх, баталгаажуулах журамд заасан эрх эдэлж, үүрэг хүлээнэ.